

ЎЗБЕКИСТОН RESPУБЛИКАСИ  
ДАВЛАТ БОЖХОНА ҚЎМИТАСИ  
ЎЗБЕКИСТОН RESPУБЛИКАСИ  
ИЧКИ ИШЛАР ВАЗИРЛИГИНИНГ  
ҚАРОРИ

**102** Божхона чегарасидан олиб ўтилаётган автотранспорт воситаларини божхона расмийлаштирувидан ўтказиш тартиби тўғрисида низомга ўзгартиришлар киритиш ҳақида

*Ўзбекистон Республикаси Адлия вазирлиги томонидан 2017 йил 15 февралда рўйхатдан ўтказилди, рўйхат рақами 2156-2*

Ўзбекистон Республикасининг Божхона кодекси ва Ўзбекистон Республикаси Вазирлар Маҳкамасининг 2016 йил 20 июндаги 212-сон «Божхона божлари ва солиқлар тўлашдан шартли озод этиладиган вақтинча олиб кетилаётган айрим товарларнинг рўйхатини, уларни озод этиш шартларини, шунингдек имтиёزلарнинг амал қилиш муддатларини тасдиқлаш тўғрисида»ги қарорига мувофиқ Ўзбекистон Республикаси Давлат божхона қўмитаси ва Ички ишлар вазирлиги **қарор қилади:**

1. Ўзбекистон Республикаси Давлат божхона қўмитаси ва Ички ишлар вазирлигининг 2010 йил 28 октябрдаги 01-02/12-8, 20-сон қарори (рўйхат рақами 2156, 2010 йил 19 ноябрь) (Ўзбекистон Республикаси қонун ҳужжатлари тўплами, 2010 й., 47-сон, 439-модда) билан тасдиқланган Божхона чегарасидан олиб ўтилаётган автотранспорт воситаларини божхона расмийлаштирувидан ўтказиш тартиби тўғрисидаги низомга иловага мувофиқ ўзгартиришлар киритилсин.

2. Мазкур қарор расмий эълон қилинган кундан эътиборан кучга киради.

**Давлат божхона  
қўмитаси раиси**

**М. ТОХИРИЙ**

Тошкент ш.,  
2017 йил 30 январь,  
01-02/12-2-сон

**Ички ишлар вазири**

**А. АЗИЗОВ**

Тошкент ш.,  
2017 йил 30 январь,  
1-сон

---

*Ўзбекистон Республикаси қонун ҳужжатлари тўплами, 2017 й.*

Ўзбекистон Республикаси  
Давлат божхона қўмитаси ва Ички ишлар  
вазирлигининг 2017 йил 30 январдаги 01-  
02/12-2, 1-сон қарорига  
ИЛОВА

**Божхона чегарасидан олиб ўтилаётган автотранспорт  
воситаларини божхона расмийлаштирувидан ўтказиш тартиби  
тўғрисида низомга киритилаётган ўзгартиришлар**

1. Муқаддима қуйидаги таҳрирда баён этилсин:

«Мазкур Низом Ўзбекистон Республикаси Божхона кодексига, Ўзбекистон Республикаси «Давлат божхона хизмати тўғрисида»ги Қонунининг 6-моддасига, Ўзбекистон Республикаси Вазирлар Маҳкамасининг 1996 йил 21 ноябрдаги 408-сон «Хорижий фуқароларнинг ва фуқаролиги бўлмаган шахсларнинг Ўзбекистон Республикасига келишлари, кетишлари, бу ерда бўлишлари ва транзит ўтишлари тартиби тўғрисида»ги, 2016 йил 20 июндаги 212-сон «Божхона божлари ва солиқлар тўлашдан шартли озод этилаётган вақтинча олиб кириладиган айрим товарларнинг рўйхатини, уларни озод этиш шартларини, шунингдек имтиёзларнинг амал қилиш муддатларини тасдиқлаш тўғрисида»ги қарорларига мувофиқ божхона чегарасидан олиб ўтиладиган автотранспорт воситаларини божхона расмийлаштирувидан ўтказиш тартибини белгилайди.»

2. 2-бандда:

ўнинчи ва ўн биринчи хатбошилар чиқариб ташлансин;

ўн иккинчи — ўн еттинчи хатбошилар тегишинча ўнинчи — ўн бешинчи хатбошилар деб ҳисоблансин.

3. 14-банддаги «автотранспорт воситасига» деган сўзлар «шахсга» деган сўз билан алмаштирилсин.

4. 15-бандда:

биринчи хатбоши қуйидаги таҳрирда баён этилсин:

«Хорижий автотранспорт воситасининг божхона ҳудудида туришининг умумий муддати календарь йил мобайнида жами тўқсон календарь кундан ошмаслиги лозим, халқаро юк ва йўловчи ташишда қўлланиладиган автотранспорт воситаси бундан мустасно. Мазкур Низомнинг 16-бандида кўрсатилган йиғимни тўлаган ҳолда хорижий автотранспорт воситасини ушбу муддатдан ортиқроқ муддатга вақтинча олиб киришга йўл қўйилади.»;

иккинчи хатбошидаги «уч ойдан» деган сўзлар «олиб кирилган санадан эътиборан тўқсон календарь кундан» деган сўзлар билан алмаштирилсин.

5. 16-банддаги «Ўзбекистон Республикасига олиб кирилишида ушбу автотранспорт воситасига товар сифатида олиб кириладиган деб қаралади» деган сўзлар «Ўзбекистон Республикасида бўлишига қайтариб олиб чиқиб кетиш муддати ўтган ҳар бир кун учун двигател хажмининг ҳар куб. сантиметрдан — 0,01 АҚШ доллари миқдорида йиғимни тўлаш шарти билан йўл қўйилади» деган сўзлар билан алмаштирилсин.

6. 17 ва 18-бандлар қуйидаги таҳрирда баён этилсин:

«17. Вақтинча олиб кириш муддати тугашидан олдин ушбу муддатини узайтириш учун хорижий автотранспорт воситасининг ҳайдовчиси белгиланган муддат тугашидан аввал Ўзбекистон Республикаси Давлат божхона қўмитасининг мазкур хорижий автотранспорт воситаси турган жойдаги ҳудудий бошқармасига муддатни узайтиришни сўраб мурожаат қилиши лозим.

Мурожаатга божхона органларининг ҳисоб рақамига мазкур Низомнинг 16-бандида кўрсатилган йиғим тўланганлигини тасдиқловчи ваколатли банк томонидан берилган ҳужжат нусхаси илова қилинади.

Давлат божхона қўмитасининг тегишли ҳудудий бошқармаси вақтинча олиб кириш муддатини йиғим қанча муддат учун тўланган бўлса, шунча муддатга узайтиради ва «Авто» ЯААТда аввал киритилган муддатни ўзгартиради.

18. Хорижий автотранспорт воситасининг ҳайдовчиси мазкур Низомнинг 17-бандида белгиланган тартибда вақтинча олиб кириш муддатини узайтириш бўйича мурожаат қилмаса, унга нисбатан қонунчиликда белгиланган чоралар кўрилиши билан бир қаторда ушбу Низомнинг 16-бандида кўрсатилган йиғим ундирилади, халқаро юк ва йўловчи ташишда қўлланиладиган автотранспорт воситаси бундан мустасно.»

7. 20-банд қуйидаги таҳрирда баён этилсин:

«20. Хорижий автотранспорт воситасини олиб чиқиш муддатини бузганлик учун тегишли чора кўрилиб, йиғим тўлиқ ундирилгунга қадар автотранспорт воситаси давлат божхона хизматининг ҳудудий органи ёки божхона пости томонидан белгиланадиган жойларда вақтинча сақланиши лозим.

Йиғим қуйидаги ҳолларда тўланмайди:

божхона органлари томонидан белгиланадиган жойларда вақтинча сақлаш даври учун;

агар вақтинча олиб қирилган автотранспорт воситаси хатланган, мусодара қилинган, авария ёки енгиб бўлмас куч таъсири оқибатида фойдаланиш учун яроқсиз ҳолга келиб қолган ва бу ваколатли орган томонидан тасдиқланган бўлса.»

8. III боб, 53, 58, 59, 61 ва 62-бандлар ҳамда 4-илова ўз кучини йўқотган деб топилсин.

9. 50-банддаги «ЮЕБНК ёки ХЙТ китобчаси» деган сўзлар «товарни етказиб беришнинг назорат ҳужжати» деган сўзлар билан алмаштирилсин.

10. 52-банд қуйидаги таҳрирда баён этилсин:

«52. Товар сифатида олиб қирилган автотранспорт воситаси «эркин муомалага чиқариш» ёки «вақтинча олиб кириш» божхона режимига расмийлаштирилгандан сўнг, ТИФ божхона пости томонидан ушбу Низомнинг 5-илласига мувофиқ Давлат божхона хизматининг ҳудудий органи томонидан ДЙХХХнинг ҳудудий органларига электрон тарзда тақдим қилинадиган маълумотлар (кейинги ўринларда электрон маълумотлар деб юритилади) ДБКнинг электрон базаси орқали шакллантирилади ва ДЙХХХга реал вақт режимида юборилади.

ДЙХХХнинг ҳудудий органларида рўйхатга олинмайдиган автотранспорт воситаларига электрон маълумотлар юборилмайди.».

11. 55-банддаги «берилган гувоҳномада» деган сўзлар «шакллантирилган электрон маълумотларда» деган сўзлар билан алмаштирилсин.

12. 56-банддаги «гувоҳнома расмийлаштирилмайди» деган сўзлар «электрон маълумотлар юборилмайди» деган сўзлар билан алмаштирилсин.

13. 57-банд куйидаги тахрирда баён этилсин:

«57. Юридик ва жисмоний шахслар томонидан товар сифатида олиб кирилатган автотранспорт воситаларини ДЙХХХнинг ҳудудий органларида рўйхатдан ўтказиш учун асос электрон маълумотлар ҳамда БЮД ҳисобланади.

Ваколатли идоралар томонидан мусодара қилинган автотранспорт воситаларини ДЙХХХнинг ҳудудий органларида рўйхатдан ўтказиш учун Давлат божхона хизматининг ҳудудий органи томонидан ДЙХХХнинг ҳудудий органларига электрон тарзда тақдим қилинадиган маълумотлар ва БЮД талаб этилмайди.

«Эркин муомалага чиқариш» божхона режимига расмийлаштирилган автотранспорт воситалари учун шакллантирилган электрон маълумотлар 3 йил давомида, «вақтинча олиб кириш» божхона режимига расмийлаштирилган автотранспорт воситалари учун шакллантирилган электрон маълумотлар эса вақтинча олиб кириш муддати тугагандан сўнг 3 йил давомида божхона органларининг маълумотлар базасида сақланади.

ДЙХХХнинг ҳудудий органларида автотранспорт воситаларини қайд этиш ва бошқа ўзгартиришлар киритиш учун асос бўлиб хизмат қилган ҳужжатлар (маълумотлар) тўплами 5 йил давомида сақланади.

«Вақтинча олиб кириш» божхона режимига расмийлаштирилган автотранспорт воситаларини ўзга шахсга фойдаланишга, эгалик қилишга бериш ёки ўзгача равишда ўтказиш электрон маълумотлар қайта расмийлаштирилгандан сўнг амалга оширилади.».

14. 5-илова мазкур ўзгартиришларнинг иловасига мувофиқ тахрирда баён этилсин.

Божхона чегарасидан олиб ўтиладиган  
автотранспорт воситаларини боғхона  
расмийлаштирувдан ўтказиш тартиби  
тўғрисидаги низомга киритилаётган  
ўзгартиришларга  
ИЛОВА

«Боғхона чегарасидан олиб ўтиладиган  
автотранспорт воситаларини боғхона  
расмийлаштирувдан ўтказиш тартиби  
тўғрисидаги низомга  
5-ИЛОВА

**Давлат боғхона хизматининг ҳудудий органи  
томонидан ДЙХХХнинг ҳудудий органларига электрон  
тарзда тақдим қилинадиган  
МАЪЛУМОТЛАР**

1. Боғхона органи номи.
2. БЮД рақами ва санаси.
3. Автотранспорт воситаси расмийлаштирилган боғхона режимининг номи.
4. Автотранспорт тўғрисида маълумот:  
тури, русуми;  
ишлаб чиқарилган йили;  
кузов рақами;  
двигатель рақами;  
шасси рақами.
5. Автотранспорт воситаси эгаси тўғрисидаги маълумотлар:  
жисмоний шахс учун — унинг фамилияси, исми, отасининг исми ва доимий яшаш манзили, телефон рақами ҳамда шахсини тасдиқловчи ҳужжат ҳақидаги маълумотлар;  
юридик шахс учун — унинг қисқача номи ва жойлашган ери (юридик манзили), телефон рақами ҳамда электрон почта манзили (мавжуд бўлса).
6. Автотранспорт воситаси вақтинча олиб кирилганда вақтинча олиб киришнинг якуний муддати.».